

ხელშეკრულება სახელმწიფო შესყიდვის შესახებ №84

ქ. რუსთავი

18 დეკემბერი 2015 წ.

ერთის მხრივ, ა(ა)იპ „ქალაქ რუსთავის საბავშვო ბაგა-ბაღების გაერთიანება“ (შემდგომში შემსყიდველი) წარმოდგენილი მისი დირექტორის გიორგი მაღლაფერიძის სახით და მეორეს მხრივ ი/მ ავთანდილ ლიპარტელიანის (შემდგომში „მიმწოდებელი“) წარმოდგენილი ავთანდილ ლიპარტელიანის სახით, „სახელმწიფო შესყიდვების შესახებ“ თანახმად დებენ წინამდებარე სახელმწიფო შესყიდვის შესახებ ხელშეკრულებას (შემდგომში ხელშეკრულება) შემდეგზე:

1. შესყიდვის ობიექტი

- 1.1. შესყიდვის ობიექტს წარმოადგენს გაერთიანების №25-ე ფილიალში ბეტონის კედლის დემონტაჟი და კარების მონტაჟი - (CPV 4530000);
- 1.2. შესასრულებელი სამუშაოს აღწერა და მოცულობა მოცემულია ხელშეკრულებაზე თანდართულ დეფექტურ აქტსა და ხარჯთაღრიცხვაში.

2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს 207.90 (ორასშვიდი ლარი 90 თეთრი) ლარს;
- 2.2. ხელშეკრულების ჯამური ღირებულება მოიცავს ხელშეკრულებით გათვალისწინებული ვალდებულების სრულყოფილად შესრულებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს.

3. ანგარიშსწორება

- 3.1. მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში;
- 3.2. ანგარიშსწორება განხორციელდება მიმწოდებლის მიერ შესრულებული სამუშაოს დამადასტურებელი დოკუმენტაციის - ფორმა №2-ის, მხარეებს შორის გაფორმებული მიღება-ჩაბარების აქტისა და შესაბამისი ფინანსური დოკუმენტაციის წარმოდგენიდან არაუმეტეს 5 (ხუთი) სამუშაო დღის განმავლობაში;
- 3.3. წინასწარი ანგარიშსწორება არ გამოიყენება;
- 3.4. დაფინანსების წყარო: 2015 წლის საკუთარი სახსრები.

4. სამუშაოს შესრულების ვადა და ადგილი

- 4.1. სამუშაოს შესრულების ადგილი - ა(ა)იპ „ქალაქ რუსთავის საბავშვო ბაგა-ბაღების გაერთიანება“-ს №25-ე ფილიალი. მის: ქ. რუსთავი, ახმეტელის ქუჩა №8
- 4.2. სამუშაოს შესრულების ვადა ხელშეკრულების გაფორმებიდან 22 დეკემბრის ჩათვლით.

5. შესყიდვის ობიექტის მიღება-ჩაბარების წესი

- 5.1. შესყიდვის ობიექტის მიღება მოხდება გაერთიანების ინფრასტრუქტურის მონიტორინგის განყოფილების უფროსის მიერ დამოწმებული და ხელმოწერილი შესრულებულ სამუშაოზე წარმოდგენილი ფორმა №2-ის საფუძველზე, ხოლო საბოლოო მიღება მოხდება მხარეებს შორის გაფორმებული მიღება-ჩაბარების აქტით;
- 5.2. შემსყიდველის მხრიდან მიღება-ჩაბარების აქტზე ხელს აწერს გაერთიანების დირექტორი, გაერთიანების ინფრასტრუქტურის მონიტორინგის განყოფილების უფროსი კახაბერ ქოჩიაშვილი, №25 -ე ფილიალის გამგე. მიღება-ჩაბარების აქტში მითითებული უნდა იყოს:
 - ა) „მიმწოდებლის“ მიერ შესრულებული სამუშაოს აღწერა,
 - ბ) „მიმწოდებლის“ მიერ შესრულებული სამუშაოს ღირებულება,
 - გ) „მიმწოდებლის“ მიერ შესრულებული სამუშაოს ჩამონათვალი.

6. მხარეთა უფლება-მოვალეობები

- 6.1. შემსყიდველი ვალდებულია:
 - ა) დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
 - ბ) ხელშეკრულებით გათვალისწინებული სამუშაოს შესრულებისას საქმის კურსში დროულად ჩააყენოს მიმწოდებელი ყველა განსაკუთრებული გარემოებების წარმოშობისას.
 - გ) ხელშეკრულების პირობების გათვალისწინებით აუნაზრაუროს მიმწოდებელს შესრულებული

სამუშაოს ღირებულება.

6.2. შემსყიდველი უფლებამოსილია:

- ა) ხელშეკრულების მიმდინარეობის ნებისმიერ ეტაპზე განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე,
- ბ) არ ჩაიბაროს რაოდენობრივად ან ხარისხობრივად ნაკლები სამუშაო.

6.3. მიმწოდებელი ვალდებულია:

- ა) დროულად და კეთილსინდისიერად შეასრულოს ხელშეკრულებით ნაკისრი ვალდებულება,
- ბ) სამშენებლო ნორმებისა და წესების სრული დაცვით შეასრულოს სამუშაოები ხარჯთაღრიცხვისა და შემსყიდველის მიერ გადაცემული საპროექტო დოკუმენტაციის შესაბამისად,
- გ) დროულად და საკუთარი ხარჯებით აღმოფხვრას სამუშაოს შესრულებისას გამოვლენილი ყველა ხარვეზი,
- დ) საგარანტიო პერიოდში, შესყიდვის ობიექტის საბოლოო მიღებიდან 3 (სამი) წლის განმავლობაში საკუთარი ხარჯებით აღმოფხვრას გამოვლენილი წუნი (ნაკლოვანებები, დეფექტები) თუ დადგინდება, რომ აღნიშნული წუნი (ნაკლოვანებები, დეფექტები) გამოწვეულია მიმწოდებლის მიზეზით.

6.4. მიმწოდებელი უფლებამოსილია:

- ა) მოსთხოვოს შემსყიდველს შესრულებული სამუშაოს ღირებულების ანაზღაურება ხელშეკრულებით გათვალისწინებული პირობების დაცვით.

7. ხელშეკრულებით ნაკისრი ვალდებულებების შესრულების კონტროლი


- 7.1. ხელშეკრულებით ნაკისრი ვალდებულებების შესრულების კონტროლს (ინსპექტირება) განახორციელებს გაერთიანების ინფრასტრუქტურის მონიტორინგის განყოფილების უფროსი;
- 7.2. ინსპექტირების გამწევის ფუნქციებია:
 - ა) მიმწოდებლის მიერ შესრულებული სამუშაოს ხელშეკრულების პირობებთან შესაბამისობის დადგენის მიზნით სათანადო კონტროლისა და ზედამხედველობის განხორციელება და შესრულებულ სამუშაოზე წარმოდგენილი ფორმა №2-ის დამოწმება,
 - ბ) მიმწოდებელთან ანგარიშსწორების პროცესის რეგულირება,
 - გ) ინსპექტირების გამწევი პირი გამოვლენილ ხარვეზებსა და ნაკლოვანებებს აფიქსირებს ოქმით, დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

8. ხელშეკრულების პირობების შეუსრულებლობა

- 8.1. მხარეთა მიერ ხელშეკრულებით ნაკისრი ვალდებულებების შესრულების ვადის გადაცილებისათვის მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ს ოდენობით, ასეთი უფლებით მხარემ შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას;
- 8.2. იმ შემთხვევაში, თუ დაკისრებული პირგასამტეხლოს ჯამური ღირებულება გადააჭარბებს ხელშეკრულების ჯამური ღირებულების 5%-ს შემსყიდველი იტოვებს უფლებას ცალმხრივად შეწყვიტოს ხელშეკრულება და მიმწოდებელს მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;
- 8.3. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

9. დაუძლეველი ძალა

- 9.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;
- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან.
- 9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.



10. ხელშეკრულებაში ცვლილებების შეტანა და ხელშეკრულების შეწყვეტა

- 10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით ურთიერთშეთანხმების საფუძველზე;
- 10.2. თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი მხარე ვალდებულია წერილობით შეატყობინოს მეორე მხარეს ამის თაობაზე შესაბამისი მიზეზების მითითებით;
- 10.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, ხელშეკრულების პირობების გადასინჯვა ხდება საქართველოს კანონმდებლობით დადგენილ წესით;
- 10.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.5. ხელშეკრულების ერთ-ერთი მხარის მიერ ნაკისრი ვალდებულებების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 10.6. მხარე ვალდებულია 10.5. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით, ან კომუნიკაციის ელექტრონული საშუალების გამოყენებით აცნობოს მეორე მხარეს;
- 10.7. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

11. სადაო საკითხების გადაწყვეტა

- 11.1. წამოჭრილი დავები შესაძლებელია გადაწყვეტილ იქნას ერთობლივი მოლაპარაკებების საფუძველზე;
- 11.2. შეთანხმების მიუღწევლობის შემთხვევაში დავების გადასაწყვეტათ მხარეებს უფლება აქვთ მიმართონ სასამართლოს საქართველოს მოქმედი კანონმდებლობის წესით.

12. ხელშეკრულების მოქმედების ვადა

- 12.1. ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად და ინახება ხელშეკრულების მონაწილე მხარეებთან (ერთი ეგზემპლარი მიმწოდებელთან, ხოლო ერთი შემსყიდველთან).
- 12.2. ხელშეკრულება ძალაში შედის 2015 წლის 18 დეკემბრიდან და მოქმედებს 2016 წლის 30 იანვრის ჩათვლით ჩათვლით.

შემსყიდველი

ა(ა)იპ „ქალაქ რუსთავის საბავშვო ბაგა-
ბაღების გაერთიანება“
მის: ქ. რუსთავი, კოსტავას გამზ. №20
ს/კ 216439325
სახელმწიფო ხაზინა
ბანკის კოდი: TRESGE22
ა/ა GE24NB0330100200165022

მიმწოდებელი

ი/მ ავთანდილ ლიპარტელიანი
მის: ქ. რუსთავი კლდიაშვილის ქ. №15-9
ს/კ: 35001097004
სს „თიბისი ბანკი“
ბანკის კოდი: TBCBGE22
ა/ა GE08TB7001052365100003



გაერთიანების დირექტორი
გიორგი მაღლაფერძე

ავთანდილ ლიპარტელიანი